



Facilis Et Succincta S.S. Canonum Doctrina

Pirhing, Ehrenreich

Dilingæ, 1690

§. III. Quinam in specie gaudent privilegio fori Ecclesiastici?

[urn:nbn:de:hbz:466:1-61641](#)

ut excommunicationem ipso facto incurrat, qui contrarium agit, & hinc conveniti non possunt Clerici & alia persone ecclesiasticae coram seculari judice, non tantum in actionibus personaribus, sed neque in causis sive actionibus realibus, (quid sit de contraria aliqui recepta praxi quoad actiones reales) argu o si Clericus s.b.t. & e.sin. De judiciis, cum res in territorio secularis Iudicis sita fuit illi non tribuat, si persona per speciale privilegium omnino exempta sit; neque haeres Clericus, qui in bona Laici successit, conveniri potest ex sententia probabiliori ratione horum honorum coram seculari Iudice, etiamsi coram Iudice Laico contra defunctum Laicum lis jam fuisse inchoata, neque enim per preventionem Iudicis Laici perditur privilegium fori Clericis concessi, cum hoc nullo jure probetur; neque conveniri potest Clericus coram Laico Iudice in causa communii Clerico cum Laico, aut pluribus Laicis propter consortium, sed contra potius fieri debet, ut Laicos coram ecclesiastico Iudice in causa talium Clerico communi conveniantur, Quia magis dignum trahit ad se minus dignum si tamen causa dividii non possit; si enim dividus esset, quisque coram suo Iudice conveniri deberet. Neque denique conveniri potest Clericus coram Iudice Laico, etiamsi tantum in possessione agatur, non quidem fortasse propter qualitatem cause, sed propter qualitatem personae.

Sunt tamen plures etiam causae, in quibus Clerici coram judge Laico conveniti possunt. Et primò quidem in causis feudalibus c. Verum s.b.t. Secundò

in casu, quo bona immobilia Clerici vel Ecclesie donata aut data sunt, cum nullus pacto seu conditione, ut sub eodem foro maneat, sub quo prius existebat, quæ conditio, ut pote justa, si ab Ecclesiis donatio vel datio talis acceperatur, servanda est, prout Principes Imperii Ecclesiastici ratione suorum Privilegiorum & Regalium, quæ ab Imperio habent, Imperio subiecti sunt. Tertiò si agatur contra Laicum ad evincendum ab ipso tenetum emit à Clerico, & Clericus venditor ad defendendum emptorem efficeret velit, coram Iudice seculari ipsius scilicet emptoris, comparere debet. Et quartò sicuti Laicus ratione administrationis Ecclesiasticae nonnullum debet coram Iudice Ecclesiastico officii sui rationes reddere, ita Clericus etiam ratione officii, si alieno nomine conveniat, Tutor v.g. ratione populi Curator ratione minoris &c. coram Iudice seculari respondere potest.

§. III.

Quinam in specie gaudent privilegio fori Ecclesiastici?

Non tantum Clerici in sacris constituti privilegio fori Ecclesiastici gaudent, sed etiam Clerici in minoribus constituti, vel si tantum tonsuram initiatum, obseruent ea quæ à Trident. Sess. 23, c. 6, de refor. his prescribuntur, ut scilicet vel beneficium Ecclesiasticum (latè accipiendo nomen beneficii, prout enim pensionem significat) habeant, vel si beneficium non habeant saltem Clericalum habitum & tonsuram deferant, & alicui Ecclesiæ ex mandato Episcopi inserviant, vel certè habitum & tonsuram deferant.

tes in seminario aliquo Clericorum vel in aliqua schola, vel in Universitate aliqua, de licentia Episcopi, quasi in via ad maiores ordines suscipiendos versentur. Et quamvis hoc fori privilegium recte ad Clericos conjugatos, qui cum unica eaque virgine (ab alio non corrupta) contraxerunt, & dictas conditiones observant, extendatur, probabilior tamen dici potest, quod in criminalibus tantum hi hoc fori privilegio gaudeant, sive si de crimine puniendi sint, criminaliter, sive civiliter convenienter: rectius tamen hoc fori privilegium ad uxores legitimas talium Clericorum, uti & liberos eorum non extendit, cum privilegium hoc sit privilegium personale, & uxores in illis tantum sortiantur forum mariti, qui cum ipsis communicari possunt, multò minus extendi debet ad concubinas Clericorum (quarum delicta cum Clericis commissa, recte dicuntur mixti fori delicta) ad familiam Clericorum, ad rusticos & colonos Clericorum, &c. de quibus tamen cum iura nihil speciale ratione fori statuant, juxta jus commune cum illis procedendum est. Rectius tamen hac in re videtur consuetudini adscriendum, quod nonnunquam sit, quam juris privilegio.

Gaudent autem hoc fori privilegio etiam Monachi, & Regulares omnes utriusque sexus; etiam Laici conversi, Noviti, oblati, Religiosi ordinum militarium, Fratres tertii Ordinis S. Francisci; Eremite, qui tria substantialia vota religiosa emiserunt; vel si tria haec vota non emiserunt, vivunt tamen communiter in Congregatione aliqua, juxta ritum ab Episcopo approbatum; vel si solitarii vi-

vant, deferunt tamen habitum & tonsuram, & sunt auctoritate alicujus Episcopi, Episcopo ad servitium alicuius Ecclesiae deputati, & vivunt sub obedientia Episcopi, & si hospitalia sint auctoritate Episcopi erecta, etiam hospitalarii, si in talibus domibus vivant, & talium hospitalium incolae, qui sub obedientia dictorum hospitaliorum vivant, privilegio fori gaudent, quia omnes isti nomine personarum Ecclesiasticarum in latiori acceptione venire possunt, attendenda tamen multis consuetudo est.

§. IV.

Quando, & in quibus casibus Clerici non gaudeant privilegio fori Ecclesiastici?

Primum, Clerici beneficiati, in sacris constituti, si habitum & tonsuram nunquam deferant (ita ut Laici passim habeantur, sine ulla justa causa, & ab Episcopo suo ter moniti, eum non reassumerunt, vel semel in Synodo generali quidem sub expressa tamen comminatione privationis privilegii fori, privilegium hoc amittunt). In audiencia 25. &c. Contingit 45. De sententia Excom. Ita tamen ut si postmodum (sine fraude super fugiendi fori secularis) ea assumpta sint, privilegio hoc gaudeant, cum in tali causa non absolute, sed praecise propter dimissum habitum & tonsuram privilegio fori non gaudeant, ergo his assumptis privilegio suo gaudebunt, modò nihil in fraudem fori alterius factum sit.

Secundò, si propter delictum, & subsequentem incorrigibilitatem excommunicati Clerici etiam in sacris constituti fuerint, & in contumacia perseverent,

ipso